



Sabtu, 15 Oktober 2022
Ogen: Masmur 103:1-22



Ieteh Tuhan Abu Kap Ngenca Kita



Arah kegeluhenta si tep-tep wari banci si gejakpen uga belinna kekelengen ras lias ate Tuhan man banta. Amin pe rusuren nge kita erban Tuhan kecewa arah kelapatuhenta ras pemberontakenta, tapi keleng ate Tuhan man banta la pernah mobah, IA tetap ngkelengi kita. "Bagi keleng ate bapa man anak-anakNa, bage kal nge pengkelengi Dibata kalak si erkemalangen man baNa." Tuhan pe tuhu-tuhu meteh kelemahenta, sabap ietehNa i bas kai nari kita itepaNa, tapi labo ipediatNa kita ndabuh ku bas dosa. Rusur kel ninta "lang pe wajar nge adi manusia denga, si ban dosa tah kesalahen, gelarna pe manusia." Ieteh Tuhan maka wari-warinta bas doni enda gendek kap, e maka ateNa sipakeken waktu alu mehuli ras terus erjuang guna ndahiken keselamatanen si nggo sialoken, bagi nina bas ayat 3: ialemiNa kerina dosa-dosandu, dengen ipepalemNa kerina pinakitndu.

Ban ieteh Tuhan kita la megegeh maka ilepaskenNa tanNa guna nampati kita ras mereken gegeh, kengasupen man banta bagi nina bas Yesaya 40:29 "man kalak si latih iberekenNa gegeh, itambahiNa gegeh man kalak si ngelabuh." Bangsa Israel rusur kal ndabuh ku bas dosa pemberontakan, nilah i bas perintah Tuhan, tapi Tuhan tetap sabar. Melala cara si ibahan Tuhan segelah bangsa Israel tetap patuh i bas perintahNa. Jadi bangsa pilihan, jadi usihen nandangi bangsa sideban.

Kita pe selaku anak-anak si enggo ipilih Dibata jadi sikerajangenNa, marilah si cidahken arah kerina dampar kegeluhenta. Kalak sierkiniten tentu berbeda ras doni enda aminpe gia kita tading i doni enda. Sisadarilah maka kita enda desken abu kap ngenca, lemah, la ergegeh, tapi ibereken Dibata kita gegeh kengasupen i bas ndalani kegeluhenta. Tetap semangat i bas ndalani wari enda, tetap jadi pasu-pasu man doni enda.

Bas kerina kelemahenta, tetap pakeken kesempatan si mehuli